



Broj predmeta: 13-001542/21
Broj akta: 01.1-1413EK-0022/21
Datum, 3.9.2021. godine
Mjesto, Brčko

Na osnovu člana 17. stav (2) Zakona o Vladi Brčko distrikta BiH («Službeni glasnik Brčko distrikta BiH»), broj: 22/18- prečišćeni tekst, 49/18, 08/19, 10/19 i 32/19), u skladu sa članom 25. Zakona o javnim nabavkama («Službeni glasnik BiH», broj 39/14), Zapisnika o pregledu i ocjeni ponuda, sa preporukom Komisije, broj: 13-001542/21 od 30.08.2021. godine i Mišljenja Pravobranilaštva Brčko distrikta BiH broj:M-937/21 od 2.9.2021. godine, gradonačelnik Brčko distrikta BiH d o n o s i

ODLUKU O IZBORU NAJPOVOLJNIJEG PONUĐAČA

Član 1

U provedenom otvorenom postupku za nabavku zaštitne opreme za potrebe Odjeljenja za zdravstvo i ostale usluge – Pododjeljenja za javno zdravstvo Vlade Brčko distrikta BiH, izabran je najpovoljniji ponuđač kojem se dodjeljuje ugovor.

Naziv najpovoljnijeg ponuđača je: „ADRIALINE“ d.o.o. Banja Luka.

Vrijednost ugovora sa uračunatim PDV-om iznosi

191.646,00 KM.

Član 2

Postupak je proveden na osnovu Odluke o pokretanju postupka javne nabavke broj: 13-001542/21 od 14.07.2021. godine i Obavještenja o nabavci broj: 1157-1-1-391-3-390/21 objavljenim na portalu javnih nabavki dana 29.07.2021. godine, specifikacije roba i ponude najpovoljnijeg ponuđača.

Član 3

Finansiranje navedene nabavke će se izvršiti iz operativnog budžeta za 2021. godinu, sa organizacionog koda 19020001 i ekonomskog koda 613400 – Nabavka materijala i sitnog inventara.

Obrazloženje

Komisija za nabavke je utvrdila da su do momenta koji je bio određen za krajnji rok za dostavu ponuda dostavljene tri ponude i to ponuđača: „Adrialine“ d.o.o. Banja Luka, „Euro vez“ d.o.o. Tešanj i „Grubin Export-Import“ d.o.o. Brčko. Sastavni dio odluke čini zapisnik o pregledu i ocjeni ponuda. Analizom dostavljenih ponuda Komisija je utvrdila da su ponude ponuđača bile prihvatljive u pogledu načina pripreme i dostave ponuda. Članovi Komisije imenovani ispred Pododjeljenja za javno zdravstvo i ostale usluge su kao stručni članovi komisije izvršili analizu dokumentacije koja se odnosila na stručnu ocjenu ponuda (tehnička i profesionalna sposobnost ponuđača), te su ustanovili sljedeće: Ponuđač „Adrialine“ d.o.o. Banja Luka – ispunjava sve tražene uslove tenderskom dokumentacijom. Ponuđač „Euro vez“ d.o.o. Tešanj nije imao potvrde od Agencije za lijekove za stavku 1,3,4,5 (za stavke 1,3,4 ima certifikate a za tačku 5 nema ni certifikata) i kataloge proizvođača već dokumenta na memorandumu Euroveza. Ponuđač „Grubin Export-Import“ d.o.o. Brčko nije imao potvrdu od Agencije za lijekove ni za jednu stavku, kataloge proizvođača ni za jednu stavku, samo

tehnički listovi kao ni originalnog tehničkog lista za rukavice, samo prevod. Na osnovu navedenog, stručna komisija je ocijenila da ponuđači „Euro vez“ d.o.o Tešanj i „Grubin Export - Import“ d.o.o Brčko ne ispunjavaju sve tražene uslove u skladu sa tenderskom dokumentacijom, te su samim tim njihove ponude ocijenjene neprihvatljivim. Dalje je Komisija ustanovila da je ponuđač „Adrialine“ d.o.o. Banja Luka kvalifikovan, a njegova ponuda prihvatljiva i u skladu sa zahtjevima postavljenim tenderskom dokumentacijom i tehničkom specifikacijom. Izvršena je računska kontrola i utvrđeno je da nije bilo računskih grešaka. E aukcija nije ni zakazivana jer je ustanovljeno da je samo jedna ponuda ocijenjena kao prihvatljiva. U skladu sa članom 3. tačka 3. Pravilnika o uslovima i načinu korištenja e-aukcije navedeno je da u slučaju prijema jedne prihvatljive ponude e-aukcija se ne može zakazati, nego se postupak okončava u skladu sa članom 69. Zakona. Na osnovu svega navedenog, a uzimajući u obzir činjenicu da je ponuda najpovoljnijeg ponuđača u okvirima procijenjene vrijednosti nabavke, Komisija je dala preporuku o izboru najpovoljnijeg ponuđača u skladu sa kriterijumom najniže cijene.

POUKA O PRAVNOM LIJEKU:

Protiv ove odluke zainteresovane strane imaju pravo podnijeti pismenu žalbu ugovornom organu dostavljanjem žalbe u najmanje tri primjerka u Odjeljenje za stručne i administrativne poslove, Pododjeljenje za javne nabavke Vlade Brčko distrikta BiH, u roku od 10 dana od dana prijema odluke.

DOSTAVITI:

1. Pododjeljenju za javne nabavke,
2. Ponuđačima,
3. Odjeljenju za zdravstvo i ostale usluge,
4. Gradonačelniku,
5. Zamjeniku gradonačelnika,
6. «Službenom glasniku Brčko distrikta BiH»,
7. Arhivi.



ГРАДОНАЧЕЛНИК

Esed Kadrić

Kadrić